



Sikolo sa lasunda: Sitopa sa banana ba bainyani

Toho ya Tuto

Banna ba ba butali ba kwa Upa

Buka ya Bashemi
Sikolo sa la Sunda sa mwa malapa



Balatiwa Bashemi

Mwa amuhelwa kwa tuto ye li “**Banna ba ba butali ba kwa Upa**” ya sikolo sa lasunda ya banana ba bainyani. Pampili ye i mifa kabukuswani kamo muka lutela tuto ye.

Mo mu kona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kene fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibeke • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba ahulu mwana mina ni ku fita. <i>Ka mualo, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo).</p> <p>2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.</p>
3.	Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa malapa

Mo kuswanehela ku itukiseza ni kufa tuto ye


Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha kuama Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sunda mwa kopano yamina ba itukiselize ku mi tusa.

 Notes



Tuto

Toho ya tuto	Banna ba ba butali ba kwa Upa
Timana ya Bibebe	Mateu 2: 1-12
Mutomo/ butokwa bwa tuto	Banana ba lemuha kuli Mulimu, ndata luna ya kwa lihalimu u ka lusupeza nzila ye ya ku Jesu

Tuto ye kusufaliswe:

- Jesu ha sa pepilwe, Banna ba ba butali bene ba zwa kwa Upa ba zamay musipili o mitelele ku taha kwa Jerusalema.
- Ba bona naleli ye ne sa swani ni zemwi mwa halimu mi ba ilatela.
- Ku bona, naleli ye neli sisupo sa kuli mulena yo munca u pepilwe.
- Banna ba ba butali baya ku yo talima Mulena yo munca yoo kwa muleneñi wa mulena Heroda, kakuli ne ba bata ku yo kubamela mulena yo munca.
- Ni hakuli cwalo, Heroda hakuna sana na ziba ku amana ni Mulena yo munca yo mi taba ye ya mu nyemisa.
- Baprisita ba bahulu kaufela ni baluti ba mulao ba mulena Heroda ba talima nwa litaba za kale za mapolofita mi ba fumana kuli mueteleli yo munca u ka zwa kwa Betelehema..
- A luma banna ba ba butali kuli baye kwa Betelehema ka taelo ya kuli ba zamaye, ba yo batisisa ka za mwana yo. Mi ha mu se mu mu fumani, ba mu zibise kuli ni yena a mu kubamela ni na. Bo nesi bunit, na bata ku eza bumswe ku mwana Jesu.
- Banna ba ba butali cwale ba zwela pili ku latelela naleli kwa betelehema mi bayo fumana mwana/ mbututu Jesu a lobalizwe mwa sicelo.
- Ba kubama ni ku kandeleda. Cwale ba kwalula mikotana ya bona, mi ba mu fa limpo za gauda, mafula a tula ahulu, mirra ni insense.
- Ba kutela habo bona ka nzila i sili, kakuli Mulimu na ba lemusize, kwa buloko, kuli ba si ke ba kutela ku Heroda.



Kanti tuto ye italusa sikamañi ku luna kacenu?

- Mulimu wa lu etelela mi uka lu supeza nzila nako kaufela.
- Mulimu wa lu lata mi uka bukeleza bana ba hae nako kaufela.
- Mulima kiya zamaisa lika kaufela mi lu swanela ku mu lumela ni ku musepa nako kaufela.

Lipuzo zemwi ze lukona ku buza:

1. Banna ba ba butali ne ba zwa kai?

Kalabo: Kwa Upa

2. Kiñi se ne si etelezi/ isize banna ba ba butali ku Jesu?

Kalabo: *Naleli ue benya ka ku makaza ya mwa halimu.*

3. Jesu na pepezwi kai?

Kalabo: Mwa Betelehemema

4. Kana ki kuli banna ba ba butali ne ba kutile ku mulena Heroda ku yo mu bulelela koo Jesu na liteni?

Kalabo: *Batili, Mulimu na file mamela kuli ba sike ba eza cwalo mi ba kutela habobona ka nzila i sili.*

Litapelo za luna

Tapelo ya bo Ndate ni Boma ye fiwa pili tuto isi ka tateka:

Ndate ya mwa lihalimu

Na itumele ku wena kwa lizazi lelimwi la lilato ni sishemo sa hao

Na kupa u fuyole bome ni bondate. Fuyola baeteleli, balikani baluna kaufela ni mabasi a luna

Lu lapela kuli lu ku late ni ku kuli lu kalatelela bashemi ba luna

Lu fuyole kuli lu kone kuba ni sishemo ni lilato mane ni ku ba ni likuta ni musa ku be lu kopana ni bona

Lwa kupa u fuyole tuto ya sikolo sa banana sa la Sunday ye, ni kuli nako kaufela lu hupule ku itumela ku wena ka ku lu keta kuba bana ba hao.

Lu bata ku inelela mwa tumelo ni ku latelela ku fitela u taha ku to lungela kwa hae.

Lu kupa ze kaufela mwa libizo la hao

Amen



Tapelo kasamulaho wa tuto:

Ndate ya mwa lihalimu,

Lwa itumele kuli ulu silelelize, ni ku lu lumelela kuli lu kone kuba ni likande lelinde la Bibe

Lwa itumela kwa ku lubabalela ni ku lu Sileleza kwa likozi.

Na kupa uli tuse ku ba baba latelela bashemi ba luna, ni kuba ni seshemo ku be lu kopana ni bona.

Na kupa ulu tuse kwa misebezi ya luna ya kwa sikolo.

Fuyola mu Apositola yo muhulu, ba Apositola ni baeteleli ba keleke kaufela, mi uba sileleze mwa misipili ya bona, ili kuli ba lu lute zeñata za musebezi wa hao.

Na kupa utuse bana ba hao kaufela, sihulu baba kula, ni ba basina sa kuca ni malobalo

Taha kapili ulungele kwahae

Lu kupa ze kaufela, isi kuli za lu swanela, kono mwa libizo la Jesu

Amen.